



UGOVOR o javnoj nabavci opreme i r/d za radio sistem

Ugovorne strane:

KJKP Sarajevogas d.o.o., Sarajevo, ul. Fadile Odžaković Žute br. 4, Sarajevo
Koga zastupa: Direktor mr. sc. Nihada Glamoč, dipl.ing.maš. (u daljem tekstu: Kupac)

i MIBO Komunikacije d.o.o., Tvornička br. 3, Sarajevo,,
Koga zastupa: Direktor, Marko Boštjančić, dipl.iur. u daljem tekstu: Prodavac)

Član 1.

Predmet ovog ugovora je nabavka opreme i r/d za radio sistem po konkurentskom zahtjevu za dostavljanje ponuda broj KN-05-16/17. Prodavac opreme i r/d za radio sistem je dostavio ponudu prema obrascu za cijenu ponude broj SP-OJ04-KN-05-16/17 (ANEKS III).

Sadržaj i vrijednost robe iz stava 1. ovog člana (obrazac za cijenu ponude broj SP-OJ04-KN-05-16/17 ANEKS III) priložena je ovom ugovoru i predstavlja njegov sastavni dio.

Član 2.

Ugovorna vrijednost robe iz člana 1. ovog ugovora bez PDV-a iznosi: 11.454,00 KM (slovima: jedanaest hiljada četristopedesetčetiri KM). Jedinične cijene su fiksne i neće se mijenjati u toku trajanja ovog ugovora.

Član 3.

Prodavac će robu iz člana 1. isporučiti u roku od 30 dana nakon ispostavljanja narudžbe prema specifikaciji SP-OJ04-KN-05-16/17 ANEKS III. Ugovorne strane su saglasne da se kvalitativni i kvantitativni prijem isporučene robe izvrši od strane ovlaštenih predstavnika svake ugovorne strane u skladištu Kupca.

Član 4.

Prodavac će obračun isporučene robe vršiti po jediničnim cijenama iz priloga ovom ugovoru. Kupac će plaćanje izvršiti u roku od 60 dana nakon prijema uredno ispostavljene fakture na transakcijski račun Prodavca naznačen na fakturi.

Član 5.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom se podrazumijevaju slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprječavaju jednu ili obje ugovorne strane u ispunjavanju njihovih ugovornih obaveza.

Član 6.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Kupca.

Član 7.

Ukoliko Kupac u ugovornom roku iz člana 4. ovog ugovora ne plati cijenu za isporučenu robu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.



Član 8.

Prodavac je u obavezi da u roku od 30 dana nakon dobivanja narudžbe od kupca izvrši isporuku tražene robe. Za svaki dan kašnjenja u isporuci kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

Član 9.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 10.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smislu smetnji iz stava 1. ovog člana traju 6 (šest) mjeseci od dana zaključivanja ugovora.

Član 11.

Na sve odnose i institute koji nisu navedeni u ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

Član 12.

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih Kupac zadržava 3 (tri) primjerka a Prodavac zadržava 2 (dva) primjerka.

Član 13.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavat će nadležni sud u Sarajevu.

Za Prodavca:

Direktor, Marko Boštjančić, dipl.ing.



Za Kupca:

Direktor Preduzeća

Mr. sc. Nihada Glamoč, dipl.ing.mas.

Izvršni direktor

Mr. Mehmed Mehović, dipl.oec.



Broj i datum ugovora,

105-17
28-04-2017

Broj i datum ugovora,

85/17
21-04-2017